



Minggu, 14 Januari 2024
Ogen: 2 Raja-raja 4:9



"Arih-arih Ras Perbulangen"



Syair lagu KEE 124:2 "Senang me kap si'rabu sada arih, pehaga Tuhan peratenna ras. Mehuli kal di ise pe la dalih, berkat ku minggu lah ertoto ras." Syair enda ncidahkan maka jabu si arih-arih guna erbahan sada keputusan ndatken keriahen rikut pe ras kemalemen ate man jabu e. Ersada arih i bas jabu e me jadi perayaken kerina jabu-jabu i doni enda; sabap dikune la ersada arih banci erbahansa urak kerihen i tengah-tengah jabu.

2 Raja-raja 4:9 naksiken kerna sekalak diberu si i Sunem nari ngatakan dingan ngarihken man perbulangenna alu ngatakan man perbulangenna "*tek aku maka dilaki si rusur reh ku jenda dilaki badia*". E maka iarihkenna ras perbulangenna lako erbahan sada bilik kitik i babo tarum, jenari nikapken ingan medem, sada meja, sada kursi ras sada lampu ibas bilik e; gelah dikune reh ka dilaki badia banci ia tading guna istirahat i bas bilik si bakal isikapkenna. Sikap arih-arih diberu Sunem ras perbulangenna erbahansa kai si idahikenna lako nampati dilaki badia si reh e (Nabi Elisa) banci tersehi dingan terdungi. Arih-arih si ibahan diberu Sunem nari ras perbulangenna mbuahkan keriahen, la terjeng man jabuna tapi pe man suruh-suruhan Dibata si reh ku kuta Sunem.

Arih-arih ras perbulangen perlu kel jadi perhatinta bas zaman gundari enda, arih-arih ras perbulangen e me si ngena ate Dibata guna banci ilakoken. Artina maka kai pe si ibahan, ilakoken ras idalanken perlu tetap arih-arih ras perbulangen. La siangkanna i bas jabu, kurang harmonis antar perbulangen ras ndehara, turahna sura-sura lako selingkuh enda rehna erkiteken kurangna entah pe la lit arih-arih ras perbulangen. Hawa pe tupung ia erdalan si sada-si sada janah ercakup-cakup ia ras nipe labo ras perbulangenna, hawa justru maba perbulangena ndabuh ku bas dosa.

Marilah si pebelin biak arih-arih ras perbulangenta guna erbahan keputusan kerna kai pe bas geluhta.

➤ *Arih-arih ras perbulangen guna muat si mehuli*